

ԽՍՀՄ ԲԱՆԱԿԸ ՄԱՍՆԱԿՑՈՒՄ Է ՅԱՐԶԱԿՈՒՄՆԵՐԻՆ

Յուլիսի 22ին ՀՀ ԼԳ Նախարարի պաշտօնակատար Աշոտ Մանուչարեանը լրագրողների հետ ունեցած հերթական հանդիպման ժամանակ յայտարարեց, որ աղըրբեջանական իշխանութիւնները, օգտուելով կենտրոնի զօրակցութիւնից, շարունակում է իրագործել հայերի տեղահանման հակամարդկային բռնի քաղաքականութիւնը: Դեսանտայինների կողմից յարձակումների է ենթարկուել Շահումեանի շրջանի Վերին Շեն գիւղը, սակայն նրանք ետ են շարտուել ինքնապաշտպանական ջոկատների ուժերով: Յարձակմանը մասնակցել են խորհրդային

բանակի զինծառայողները, ինչը խոստովանել է Անդրկովկասի զինտարածքի բարձրաստիճան ղեկավար Պատրիկեւը: Նրա վկայութեամբ, գործողութեան ընթացքում վիրատուրուել է խորհրդային ռազմաօդային ուժերի մի օդաչու:

Քօսելով սահմանամերձ գօտուկացութեան մասին, Ա. Մանուչարեանն ասաց, որ Հայաստանի ԼԳ Նախարարութիւնը Աղրբեջանից հաղորդագրութիւն է ստացել, ըստ որի Գորիս-Սիսիանի գօտուց յարձակում է կատարուել Աղրբեջանի տարածքի վրայ: Կան ըսպանուածներ, վիրատուրներ, մեծ գլխաքանակով ոչխարի հօտ է

քշուել դէպի Հայաստան:

Կապանի տարածքը անընդհատ զնդակոծում է շորրորդ բանակի կողմից: Եօթերորդ բանակի ղեկավարութիւնը խոստացել է այնտեղ տեղադրել ծանր տեխնիկա՝ հակահարուած տալու նըպատակով: Համեմատաբար հանգիստ է հիւսիսային շրջաններում:

Հանդիպման ասարտին Ա. Մանուչարեանը յայտնեց, որ Հայաստանում տեղակայուած եօթերորդ բանակի հրամանատար Նիկոլայ Պիշչեւը, որին ինքը ճանաչում է որպէս պարկեշտ անձնատրութեան, առաջիկայում փոխարինելու է: